

**საქართველოს თავდაცვის სამინისტროს ვაკანტურ თანამდებობებზე ჩასატარებელი ღია
კონკურსის პროგრამის, პირობებისა და ეტაპების დამტკიცების შესახებ**

მუხლი 1. კონკურსის პირობები

1. საქართველოს თავდაცვის სამინისტროს ვაკანტურ თანამდებობებზე ჩასატარებელ ღია კონკურსში (შემდგომში - კონკურსი) მონაწილეობის უფლებას მოიპოვებს კანდიდატი, რომელიც საჯარო სამსახურის ბიუროს ადმინისტრირებულ ვებ-გვერდზე (www.hr.gov.ge) (შემდგომში - ვებგვერდი www.hr.gov.ge) გააკეთებს განაცხადს.
2. ვებ-გვერდზე (www.hr.gov.ge) ველში - „ჩემი რეზიუმე“ – შესაბამის ველში - კანდიდატმა აუცილებლად უნდა ატვირთოს:
 - ა) უმაღლესი განათლების დამადასტურებელი დიპლომის ასლი;
 - გ) შრომის წიგნაკის ან შრომითი ურთიერთობის დამადასტურებელი დოკუმენტების ასლები (ორგანიზაცია, თანამდებობა, დანიშვნისა და გათავისუფლების თარიღების მითითებით).
3. საჯარო სამსახურის ბიუროს მიერ ადმინისტრირებულ ვებ-გვერდზე (www.hr.gov.ge) ველში - „ჩემი რეზიუმე“ – „რეკომენდატორები“ - კანდიდატმა აუცილებლად უნდა მიუთითოს არანაკლებ **2 (ორი) რეკომენდატორი**;
3. განაცხადების მიღების ვადაა: 2018 წლის 15 თებერვლიდან 1 მარტის ჩათვლით.

მუხლი 2. ვაკანტური თანამდებობა

ვაკანტურ თანამდებობად განისაზღვროს:

1. სახელმწიფო შესყიდვების დეპარტამენტის სამშენებლო-სარემონტო სამუშაოების შესყიდვების სამმართველოს მთავარი სპეციალისტი;
2. ფინანსების მართვის დეპარტამენტის ფინანსური ანალიზისა და კოორდინაციის სამმართველოს ფინანსური ანალიზის განყოფილების უფროსი სპეციალისტი.

მუხლი 3. კონკურსის პროგრამა

საკონკურსო პროგრამის თემატიკად განისაზღვრება:

1. საქართველოს თავდაცვის მინისტრის 2017 წლის 12 სექტემბრის N 70 ბრძანება „საქართველოს თავდაცვის სამინისტროს სახელმწიფო შესყიდვების დეპარტამენტის საჯარო მოხელეთა დამატებითი საკვალიფიკაციო მოთხოვნების დამტკიცების შესახებ“;
2. საქართველოს თავდაცვის მინისტრის 2017 წლის 10 ოქტომბრის N 81 ბრძანება „საქართველოს თავდაცვის სამინისტროს ფინანსების მართვის დეპარტამენტის მოხელეთა დამატებითი საკვალიფიკაციო მოთხოვნების დამტკიცების შესახებ.“

მუხლი 4. კონკურსის ეტაპები

1. კონკურსი ტარდება ორ ეტაპად:

ა) პირველი ეტაპი - განცხადების გადარჩევა;

ბ) მეორე ეტაპი - ზეპირი დავალება, გასაუბრება.

2. კონკურსის მეორე ეტაპზე აპლიკანტი გადავა განცხადებების გადარჩევის ეტაპზე კონკურსის მოთხოვნების დაკმაყოფილების შემთხვევაში.

3. ვაკანტურ თანამდებობაზე კონკურსი ითვლება გავლილად კანდიდატის მიერ კონკურსის ყველა ეტაპის გავლის შემთხვევაში.

4. კანდიდატი, რომლის მონაცემებიც არ შეესაბამება შესაბამისი ვაკანტური თანამდებობისათვის განსაზღვრულ მოთხოვნებს (მათ შორის საკვალიფიკაციო მოთხოვნებს) ან სრულყოფილად არ წარმოადგენს პირველი მუხლის მე-2 პუნქტით განსაზღვრულ დოკუმენტაციას, არ მიუთითებს ორ რეკომენდატორს ან/და არ ექნება სამოტივაციო წერილი წარმოდგენილი ვერ გადავა კონკურსის შემდგომ ეტაპზე.

5. კანდიდატის ზეპირ დავალებაზე, გასაუბრებაზე გამოუცხადებლობა ან დაგვიანებით გამოცხადება წარმოადგენს კანდიდატის შესაბამის ეტაპზე დაუშვებლობის საფუძველს, მიუხედავად იმისა, გამოუცხადებლობა ან დაგვიანება საპატიო მიზეზით იყო გამოწვეული თუ არა.

6. კანდიდატს, რომელიც არ დაიშვება კონკურსის პირველ ან შემდეგ ეტაპზე, ეცნობება საქართველოს თავდაცვის სამინისტროს სამოქალაქო ოფისის ადამიანური რესურსების მართვისა და პროფესიული განვითარების დეპარტამენტის მიერ, ელექტრონული ფოსტის მეშვეობით, კონკურსის შემდგომი გაგრძელების შეუძლებლობის თაობაზე.

7. ვაკანტური თანამდებობისათვის ზეპირ დავალებას, გასაუბრებას ატარებს საქართველოს თავდაცვის სამინისტროს საკონკურსო კომისია.

8. ზეპირი დავალებისას, გასაუბრებისას ფასდება კანდიდატის ცოდნის, პროფესიული ჩვევების, კვალიფიკაციის, შესაძლებლობებისა და პიროვნული თვისებების დასაკავებელი თანამდებობისადმი წაყენებულ მოთხოვნებთან შესაბამისობა.

9. გასაუბრება წარიმართება ობიექტურობის, არადისკრიმინაციულობისა და კორექტულობის პრინციპების დაცვით. გასაუბრების მეთოდები, დასმული კითხვები უნდა იყოს კორექტული, ხოლო კომისია - კეთილგანწყობილი და არ ახდენდეს კანდიდატზე ფსიქოლოგიურ გავლენას.

10. ზეპირ დავალებაზე, გასაუბრებაზე დარბაზში დაიშვებიან მხოლოდ კანდიდატები და უფლებამოსილი პირები.

11. ზეპირი დავალების, გასაუბრების დღეს ყველა კანდიდატი უნდა გამოცხადდეს საქართველოს თავდაცვის სამინისტროში (მისამართი - თბილისი, გენერალ გ. კვინიტაძის 20) კომისიის მიერ განსაზღვრული გრაფიკის შესაბამისად. კანდიდატმა თან უნდა იქონიოს პირადობის დამადასტურებელი დოკუმენტი, წინააღმდეგ შემთხვევაში გამოცხადებული კანდიდატი ზეპირ დავალებაზე, გასაუბრებაზე არ დაიშვება.

12. კანდიდატს საპრეტენზიო კომისიისადმი (საქართველოს თავდაცვის სამინისტროში, მისამართი - თბილისი, გენერალ გ. კვინიტაძის 20) მიმართვის უფლება აქვს კონკურსის შედეგების გაცნობიდან არაუგვიანეს 2 სამუშაო დღისა.

13. კომისიის გადაწყვეტილების გამოტანიდან არაუგვიანეს 5 დღის ვადაში ელექტრონული ფოსტის მეშვეობით, ეცნობება ყველა კანდიდატს მის მიმართ მიღებული გადაწყვეტილების შესახებ.

მუხლი 5 საპრეტენზიო კომისიისათვის მიმართვა

კანდიდატს საპრეტენზიო კომისიისადმი (საქართველოს თავდაცვის სამინისტროში, მისამართი - თბილისი, გენერალ გ. კვინიტაძის 20) მიმართვის უფლება აქვს კონკურსის შედეგების გაცნობიდან არაუგვიანეს 2 სამუშაო დღისა.